



SLUŽBENE NOVINE

OPĆINE MAGLAJ

BROJ
5/23

Maglaj, 27.4.2023. godine

„Službene novine Općine Maglaj“
Izdaje: Služba Općinskog načelnika i Općinskog vijeća
Općina Maglaj, Viteška bb, Maglaj
Za izdavača: Mirsad Mahmutagić – Općinski načelnik Maglaj
Tel.: 032/465-810; Fax: 032/465-817; E-mail: vijece@maglaj.ba

AKTI OPĆINSKOG VIJEĆA

405.

Na osnovu člana 13. stav (2) alineja 12. Zakona o principima lokalne samouprave („Službene novine Federacije BiH“, br. 49/06 i 51/09) i člana 18. stav (1) alineja 13. Statuta Općine Maglaj – prečišćen tekst („Službene novine Općine Maglaj“, br. 8/07, 3/08 i 6/08), Općinsko vijeće Maglaj, na 26. redovnoj sjednici, održanoj 26.04.2023. godine, donosi

ODLUKU

O JAVNIM PRIZNANJIMA OPĆINE MAGLAJ

I OSNOVNE ODREDBE

Član 1.

Ovom Odlukom se ustanovljavaju javna priznanja općine Maglaj (u daljem tekstu: javna priznanja), utvrđuju kriteriji za njihovu dodjelu, sadržaj i izgled javnih priznanja, te postupak za njihovu dodjelu.

Član 2.

Javna priznanja se mogu dodjeljivati građanima općine Maglaj i drugim licima koja rade na području općine Maglaj, udruženjima, ustanovama, privrednim društvima i drugim pravnim licima za uspjehe u radu i djelovanju, kojima se značajno doprinosi razvoju općine Maglaj, kao cjeline ili pojedinih njenih dijelova, afirmaciji njenih interesa, kao i radi odavanja počasti i zahvalnosti.

Javna priznanja mogu se dodjeljivati i državljanima drugih zemalja, prijateljskim gradovima, međunarodnim organizacijama i organizacijama drugih država ili njihovim tijelima.

Javna priznanja mogu se dodjeljivati i građanima, drugim licima i institucijama koji rade van područja općine Maglaj, udruženjima, privrednim društvima i drugim privrednim licima koji svojim djelovanjem i radom značajno doprinose razvoju općine Maglaj, afirmaciji njenih interesa, kao i radi odavanja počasti i zahvalnosti.

Član 3.

Javna priznanja su:

1. Priznanje Grb Maglaja
2. Priznanje Počasni građanin Maglaja
3. Priznanje Maglajska plaketa
4. Priznanje Maglajska lenta
5. Priznanje Zahvalnica

Član 4.

Grb Maglaja je najviše priznanje.

Grb Maglaja se dodjeljuje građanima općine Maglaj, grupi građana općine Maglaj i drugim licima koja rade na području općine Maglaj, privrednim društvima, ustanovama, vjerskim zajednicama, udruženjima građana i drugim pravnim licima za njihov doprinos i postignute rezultate u teorijskom i praktičnom radu u oblasti nauke, privrede, prosvjete, kulture, umjetnosti, sporta, zdravstva, socijalne zaštite, unapređenje i afirmacija tolerancije, kulture dijaloga i drugih oblasti života u Maglaju, u odbrani Maglaja i Bosne i Hercegovine, zaštiti i afirmaciji ljudskih prava isloboda garantovanih međunarodnim konvencijama, Ustavom i zakonima, kao i za spašavanje ljudi i imovine, unapređenje uslova života u Maglaju, unapređenje demokratije, suživota i afirmaciji ugleda Maglaja u Bosni i Hercegovini i inostranstvu.

Član 5.

Grb Maglaja dodjeljuje se u principu jednom u dvije (2) godine.

U toku dvije kalendarske godine mogu se dodijeliti najviše dva Grba Maglaja, od čega najviše jedan Grb Maglaja fizičkom licu i najviše jedan Grb Maglaja pravnom licu.

Istom fizičkom licu ili pravnom subjektu, Grb Maglaja može se dodjeliti samo jedanput.

Član 6.

Grb Maglaja je stilizovana izvedba grba grada Maglaja, dimenzije 9x7 cm s plavom satenskom podlogom. Grb je četvrtastog oblika s motivima Gradine u gornjem dijelu i upisanom godinom 1408. U sredini se nalazi grafički prikaz tri rolne Natron papira, a u donjem dijelu naziv Maglaj.

Član 7.

Uz Grb Maglaja se dodjeljuje i novčani iznos u visini od 1.000,00 KM.

Član 8.

Počasnim građaninom Maglaja može se proglasiti osoba koja je dala naročit doprinos u afirmaciji vrijednosti demokratskog društva, historijskih događaja i tradicija bosanskohercegovačkih naroda, za razvijanje boljeg položaja i ugleda općine Maglaj, njenih odnosa s drugim lokalnim zajednicama u zemlji i inostranstvu te za razvoj općine Maglaj u cjelini ili pojedinih njenih dijelova, državnik ili dužnosnik druge države, član međunarodne organizacije, odnosno organizacije druge države ili njihovih tijela posebno zaslužan za općinu Maglaj i Bosnu i Hercegovinu u afirmaciji njihovih

vrijednosti u skladu sa općeprihvaćenim načelima savremenog svijeta.

Priznanje Počasni građanin dodjeljuje se u obliku diplome.

Član 9.

Maglajska plaketa se dodjeljuje građanima ili grupi građana Maglaja, kao i drugim licima koji rade i djeluju na području općine Maglaj, udruženjima građana, privrednim društvima i privrednim subjektima za vidljiv doprinos u privrednom napretku općine Maglaj, ustanovama i drugim pravnim licima za njihov doprinos i postignute rezultate u radu, afirmaciji i zaštiti ljudskih prava i sloboda, tolerancije i demokratije, zaštite na radu i zaštite okoline, kao i za doprinos u odbrani Maglaja i Bosne i Hercegovine, u spašavanju ljudi i imovine, unapređenju uslova života u Maglaju, afirmaciji i i razvoju lokalne samouprave, afirmaciji Maglaja u zemlji i inostranstvu, kao i unapređenju socijalne zaštite i dječije zaštite.

Član 10.

Maglajska plaketa dodjeljuje se u principu jednom u dvije (2) godine.

Jedna plaketa dodjeljuje se za doprinos u privrednom napretku općine.

Jedna plaketa dodjeljuje se za doprinos u razvoju civilnog društva.

Član 11.

Maglajska plaketa se dodjeljuje u vidu diplome sa otiskom grba Maglaja.

Član 12.

Maglajska lenta se dodjeljuje pojedincima koji su kroz svoj životni vijek svojim radom i djelovanjem ostavili vidljiv i prepoznatljiv trag i postali prepoznatljivi građani Maglaja.

Član 13.

Maglajska lenta dodjeljuje se svake dvije godine.

Maglajska lenta se dodjeljuje u obliku diplome i platnene satenske trake sa tekstom „Maglajska lenta za xxxx“.

Član 14.

Zahvalnica se dodjeljuje kao znak zahvalnosti i odavanja priznanja, u povodu jubileja fizičkih i pravnih lica, za konkretan uspjeh ili poduhvat ili doprinos u realizaciji projekta od javnog interesa.

Član 15.

Zahvalnica se dodjeljuje u obliku diplome.

Član 16.

Javna priznanja općine Maglaj dodjeljuju se jednom u dvije godine.

Javna priznanja općine Maglaj ne dodjeljuju se u vrijeme održavanja općih i lokalnih izbora u Bosni i Hercegovini.

II KRITERIJI ZA DODJELU JAVNIH PRIZNANJA

Član 17.

Kriteriji za dodjelu Grba Maglaja su:

- najbolji rezultati postignuti u teorijskom i praktičnom radu na pojediniom područjima djelovanja (u oblasti nauke, privrede, prosvjete, kulture, umjetnosti, sporta, zdravstva, socijalne zaštite, zaštite okoline i drugim oblastima),
- objavljena, prikazana, izložena, izvedena ili na drugi način prezentirana i nagrađena ostvarenja i rezultati,
- izuzetan doprinos u odbrani Maglaja i Bosne i Hercegovine,
- izuzetan doprinos i zalaganje i rad na očuvanju demokratije i zaštite osnovnih prava i sloboda čovjeka koja su proklamovana međunarodnim konvencijama, ustavom i zakonima,
- izuzetan doprinos unapređenju života u Maglaju,
- transparentan radi i javno istupanje u cilju afirmacije i promocije vrijednosti Maglaja i Bosne i Hercegovine,
- javno objavljeni podaci ili rezultati za doprinos razvoju lokalne i šire zajednice, kao i javno objavljeni podaci ili izumimi čime se povećava produktivnost rada i ekonomičnost,
- općepoznat ugled stručnjaka ili djelatnika iz određene oblasti, odnosno uspješnog privrednog društva, ustanove, udruženja građana i drugog pravnog subjekta,
- javno objavljeni ili zvanično pribavljeni podaci o učešću u spašavanju ljudskih života i imovine.

Član 18.

Kriteriji za dodjelu Maglajske plakete su:

- natprosječno ostvareni rezultati u radu pojedinačnog privrednika ili privrednog društva koje egzistira i djeluje u Maglaju,
- vidljiv doprinos u privrednom napretku općine,
- mjerljiv i vidljiv doprinos u zapošljavanju mladih i obrazovanih kadrova,

- priznati radovi i rezultati u racionalizaciji i pronalascima,
- mjerljiv doprinos u odbrani Maglaja i Bosne i Hercegovine.
- naročit doprinos i javno zalaganje za razvoj demokratije, tolerancije, zaštite ljudskih prava i sloboda,
- transparentan, javan i stalan rad i javno istupanje u cilju afirmacije i promocije maglajskih vrijednosti,
- naročit doprinos u ostvarenju zaštite na radu i zaštite okoline,
- općepoznati ugled stručnjaka ili aktiviste iz određenih oblasti (privrede, društvenih djelatnosti, udruženju građana i sl.),
- naročit doprinos u radu humanitarnih organizacija (npr. višestruki davaoci krvi, poznati humanisti i sl.) i
- mjerljiv doprinos u spašavanju ljudskih života i imovine.

Član 19.

Kriteriji za dodjelu Maglajske lente su:

- javno objavljen ili općepoznat uspjeh ili doprinos građanina Maglaja za višegodišnji angažman u privrednom i društvenom životu Maglaja.

Član 20.

Kriteriji za dodjelu Zahvalnice su:

- objavljeni i općepoznati lični ili kolektivni jubileji (godišnjice) građanina ili grupe građana iz Maglaja, kao i pravnih lica koja rade i djeluju na području općine Maglaj,
- objavljeni ili općepoznati konkretan uspjeh ili poduhvat,
- postignut uspjeh grupe građana i njihov doprinos u realizaciji konkretnog (manjeg) projekta od javnog interesa,
- naročit doprinos u ostvarivanju zaštite na radu i zaštite okoline,
- naročit doprinos u radu humanitarnih organizacija (npr. višestruki davalac krvi, poznati humanisti i sl.),
- mjerljiv doprinos u spašavanju ljudskih života i imovine.

Član 21.

Javna priznanja dodjeljuju se povodom obilježavanja Dana općine Maglaj, 18. septembra.

Član 22.

Građanima ili grupi građana javna priznanja mogu se dodjeljivati za života ili posthumno.

Istom fizičkom ili pravnom licu ili drugom subjektu, može se pojedino javno priznanje dodijeliti samo jedan puta.

Iz stava dva ovog člana, izuzimaju se priznanja Maglajska lenta i Zahvalnica.

Od navedenog u prethodnom stavu izuzeti su sljedeći slučajevi:

- međunarodne organizacije i državljani drugih zemalja,
- neposredno spašavanje ljudi i imovine,
- druge jednokratne aktivnosti sa dugoročnim pozitivnim efektima na razvoj zajednice.

III POSTUPAK ZA DODJELJIVANJE JAVNIH PRIZNANJA

Član 23.

Općinsko vijeće Maglaj dodjeljuje javna priznanja iz člana 3. ove Odluke.

Član 24.

Pravo na podnošenje prijedloga za dodjelu javnih priznanja imaju, u skladu s ovom Odlukom, vijećnici i klubovi vijećnika, Općinski načelnik, organi mjesne samouprave, organi uprave na svim nivoima državne vlasti, ustanove, privredna društva, strukovne komore, vjerske zajednice, političke stranke, nevladine organizacije, neformalna grupa od najmanje 20 građana općine Maglaj i druge pravne osobe.

Samoinicijativa za dodjelu javnih priznanja nije dopuštena.

Član 25.

Postupak dodjele javnih priznanja provodi Komisija za dodjelu javnih priznanja Općinskog vijeća Maglaj (u daljem tekstu: Komisija).

Član 26.

Komisija ima predsjednika i 4 člana, koje imenuje Općinsko vijeće Maglaj na period od četiri godine.

Sastav Komisije je utvrđen Poslovnikom o radu Općinskog vijeća Maglaj.

Članovi Komisije se biraju iz reda istaknutih, stručnih i javnih radnika iz različitih oblasti života i rada.

Član 27.

Komisija vrši sljedeće poslove:

- donosi poslovnik o radu,
- obavještava javnost o načinu predlaganja i roku podnošenja prijave,
- razmatra pristigle inicijative,

- utvrđuje prijedloge za dodjelu javnih priznanja i
- podnosi Općinskom vijeću izvještaj o svom radu.

Član 28.

Komisija pokreće redovnu proceduru za dodjelu javnih priznanja Maglaja u pravilu najkasnije do kraja mjeseca aprila tekuće godine raspisivanjem javnog konkursa i o tome obavještava javnost putem javnim glasila dostupnih svim građanima općine Maglaj.

Obavještenje o raspisanom javnom konkursu, s tekstom konkursa, upućuje se, radi podnošenja prijedloga, relevantnim institucijama, privrednim društvima, udruženjima građana, strukovnim organizacijama i sl.

Član 29.

Konkurs za podnošenje prijedloga za dodjelu javnih priznanja traje 20 dana od dana objavljivanja.

Član 30.

Prijedlog za dodjelu javnog priznanja dostavlja se na unificiranom obrascu i dostavlja se Komisiji putem Službe Općinskog načelnika i Općinskog vijeća.

Prijedlog iz prethodnog stava sadrži sljedeće podatke:

- ime, prezime i adresu kandidata, odnosno naziv privrednog društva, ustanove, vjerske zajednice, udruženja građana i drugih pravnih subjekata koji su predloženi za javno priznanje,
- naziv priznanja za koji se kandidat predlaže,
- obrazloženje prijedloga,
- raspoloživu dokumentaciju kojom se potvrđuju navodi iz obrazloženja,
- tačno naznačeno i opisano djelo, rad, uspjeh i sl. zbog kojih se predlaže.

Član 31.

Po isteku roka za podnošenje prijedloga za dodjelu javnih priznanja, Komisija utvrđuje prijedlog kandidata, a na temelju uvida u podnesene prijedloge i prateću dokumentaciju iz člana 26. ove Odluke vrši ocjenu formalne ispravnosti prijedloga sa aspekta pravne legitimacije podnosioca, sadržaja i roka podnošenja.

Komisija utvrđuje da li podneseni prijedlog ispunjava sve kriterije za predloženo priznanje te, ukoliko ne ispunjava, a ispunjava kriterije za drugo priznanje, prijedlog se može usmjeriti za eventualno dobijanje drugog priznanja iz člana 3. Odluke.

Prijedlozi koji budu podneseni od neovlaštenih podnosilaca, izvan roka za podnošenje ili budu nepotpuni u pogledu sadržaja, neće se razmatrati.

Član 32.

Komisija radi u sjednicama o kojima se vodi zapisnik.

Komisija utvrđuje prijedlog odluke o dodjeli javnih priznanja po završenom vrednovanju i ocjenjivanju svih elemenata sadržanih u prijedlozima i priloženoj dokumentaciji.

Prijedlog odluke o dodjeli javnih priznanja se dostavlja Općinskom vijeću na razmatranje i usvajanje.

Prijedlozi za dodjelu javnih priznanja moraju imati pisano obrazloženje i sadržavati:

- ime, prezime i adresu kandidata, odnosno naziv privrednog društva, ustanove, vjerske zajednice, udruženja građana i drugih pravnih subjekata koji su predloženi za javno priznanje,
- naziv priznanja za koji se predlaže,
- obrazloženje prijedloga,
- raspoloživu dokumentaciju kojom se potvrđuju navodi iz obrazloženja,
- tačno naznačeno i opisano djelo, rad, uspjeh i sl. zbog kojih se predlaže.

Općinsko vijeće može prijedlog odluke iz prethodnog stava usvojiti, izmijeniti ili odbiti.

Član 33.

Odluka o dodjeli priznanja će se objaviti u „Službenim novinama općine Maglaj“ i sredstvima javnog informisanja.

Svi dobitnici javnih priznanja će biti javno afirmisani na prigodan način i nakon prijema javnog priznanja (objavljivanjem publikacija o dobitnicima putem televizijskih i radio emisija, objavljivanjem članaka o dobitnicima i slično).

Član 34.

Evidencija o javnim priznanjima se vodi u Službi Općinskog načelnika i Općinskog vijeća.

Član 35.

Proglašenje i uručivanje javnih priznanja se vrši, u pravilu na svečanoj sjednici Općinskog vijeća povodom Dana općine Maglaj.

Javna priznanja uručuje predsjedavajući Općinskog vijeća, dopredsjedavajući Općinskog vijeća i Općinski načelnik.

Javno priznanje se uručuju dobitniku pojednicu, odnosno ovlaštenom predstavniku pravnog lica, a javno priznanje dodjeljeno posthumno, uručuju se članu porodice dobitnika.

Ako pojedinac, predstavnik pravnog lica ili član porodice iz prethodnog stava ovog člana ne može priznanje preuzeti na dan održavanja svečane sjednice ono se može uručiti i na drugi primjeren način.

IV OPOZIV PRIZNANJA

Član 36.

Priznanja iz ove Odluke mogu se opozvati. Priznanje će se opozvati ako je nosilac priznanja pravosnažnom sudskom odlukom osuđen na bezuslovnu kaznu zatvora u trajanju dužem od 6 (šest) mjeseci, s izuzetkom krivičnih djela protiv sigurnosti javnog prometa. Javno priznanje se može opozvati na prijedlog Komisije, odlukom Općinskog vijeća, u slučajevima kada dobitnik javnog priznanja svojim ponašanjem, djelovanjem, javnim istupom, govorom ili na neki drugi način narušava ugled javnog priznanja i općine Maglaj.

Član 37.

Opoziv javnog priznanja se vrši na način i po postupku za dodjelu javnog priznanja, izuzev radnji propisanih članom 24. i 25. ove Odluke. Odluka o opozivu priznanja će se objaviti u „Službenim novinama Općine Maglaj“ i sredstvima javnog informisanja.

V ZAVRŠNE ODREDBE

Član 38.

Administrativno-tehničke, stručne i druge poslove za potrebe Komisije, vrši Služba Općinskog načelnika i Općinskog vijeća.

Član 39.

Stupanjem na snagu Odluke o javnim priznanjima općine Maglaj prestaje da važi Odluka o javnim priznanjima Maglajabroj:02-05-1-1450/15 od 09.07.2015. godine.

Član 40.

Odluka stupa na snagu osmog dana nakon objavljivanja u „Službenim novinama Općine Maglaj“.

Broj: 02-04-1-722/23

Maglaj, 26.04.2023. godine

PREDSJEDAVAJUĆA
Svjetlana Zamboni s.r.

406.

Na osnovu člana 42, 43, 45, i 50. Zakona o prostornom uređenju i građenju Zeničko –dobojskog

kantona ("Službene novine Zeničko – dobojskog kantona", br. 01/14 i 4/16) i člana 18. Statuta Općine Maglaj („Službene novine Općine Maglaj“ br. 8/07, 3/08 i 6/08), Općinsko vijeće Maglaj, na 26. redovnoj sjednici, održanoj 26.04.2023. godine, donosi

ODLUKU

o pristupanju djelimičnoj izmjeni Regulacionog plana "Centar Maglaj – sjeverni dio"

Član 1.

(Vrsta dokumenta)

Ovom Odlukom pristupa se djelimičnoj izmjeni Regulacionog plana "Centar Maglaj– sjeverni dio" („Službene novine Općine Maglaj“ br. 08/05 i 6/15) Inicijativa OPĆINE MAGLAJ

Član 2.

(Granice područja za koje se dokument mijenja)

Djelimična izmjena Regulacionog plana "Centar Maglaj – sjeverni dio" obuhvata zemljište u vlasništvu Općine Maglaj, označeno sa k.č. br. 1494/1 površine 566 m², 1495/1 površine 981 m², 1495/3 površine 248 m², 1495/4 površine 307 m² i 1495/5 površine 207 m² koje se nalazi u ulici Aleja ljljana .

Izmjenom Regulacionog plana „Centar Maglaj – sjeverni dio“ bi se u odnosu na postojeće stanje izgrađenosti izvršile potrebne korekcije namjene i razmještaja objekata plana parcelacije i građevinskih i regulacionih linija. Korekcijama bi se u okviru navedenog vlasničkog zemljišta Općine Maglaj opredijelila izgradnja poslovno stambenog objekta u drugoj veličini spratnosti i strukturi čime bi se obezbjedio prostor za izgradnju potrebnog broja parking prostora i riješio prilaz planiranom objektu i postojećim izgrađenim poslovno stambenim objektima koji već koriste prilaz iz Ulice Abdulaha Mahmutagića. Urbanističko tehnički uslovi za planirani objekat bi se odredili prema odredbama Odluke o provođenju Regulacionog plana „Maglaj Centar – sjeverni dio“ („Službene novine Općine Maglaj“, broj: 08/05).

Član 3.

(Vremenski period)

Vremenski period za koji se radi izmjena i dopuna Regulacionog plana je do važenja postojećeg planskog dokumenta prostornog uređenja (Regulacionog plana "Centar Maglaj - sjeverni dio "

Član 4.

(Smjernice za izradu)

Nosilac pripreme plana osigurat će Nosiocu izrade potrebnu dokumentaciju značajnu za donošenje

izmjena i dopuna Regulaciog plana u skladu sa odredbama Zakona o prostornom uređenju i građenju.

Član 5.
(Rok izrade)

Rok izrade djelimične izmjene i dopune Regulacionog plana bit će određen Ugovorom potpisanim sa Nosiocem izrade izmjene Regulacionog plana.

Član 6.
(Sadržaj i postupak izmjene planskog dokumenta)

Djelimična izmjena Regulacionog plana „Centar Maglaj-sjeverni dio“ sadržavat će dokumentaciju predviđenu Zakonom o prostornom uređenju i građenju Zeničko-dobojskog kantona.

Postupak izmjene Regulacionog plana provodit će se u skladu sa članom 50. navedenog Zakona, stav (1) (redovni postupak).

Član 7.
(Javna rasprava i javni uvid)

U skladu sa odredbama člana 50. stav (1) Zakona o prostornom uređenju i građenju Zeničko –dobojskog kantona, Nacrt djelimične izmjene Regulacionog plana stavlja se na javni uvid i javnu raspravu .

Dužina trajanja javne rasprave i javnog uvida izmjene Regulacionog plana bit će određena u Odluci o usvajanju Ncrta djelimične izmjene Regulacionog plana.

Član 8.
(Finansiranje)

Sredstva za izradu izmjene Regulacionog plana obezbjedit će Općina Maglaj.

Član 9.
(Nosilac pripreme)

Nosilac pripreme plana je Općinski načelnik putem Službe za urbanizam geodetske i imovinsko pravne poslove.

Član 10.
(Nosilac izrade)

Nosilac izrade izmjene Regulacionog plana bit će određen u skladu sa članom 45. Zakona o prostornom uređenju i građenju, Zeničko –dobojskog kantona .

Član 11.
(Stupanje na snagu)

Ova Odluka stupa na snagu osmog dana od dana objavljivanja u „Službenim novinama Općine Maglaj“.

Broj:02-04-1-728/23
Maglaj,26.04.2023. godine

PREDSJEDAVAJUĆA
Svjetlana Zamboni s.r.

407.

Na osnovu člana 363. stav (3) Zakona o stvarnim pravima ("Službene novine Federacije Bosne i Hercegovine", br. 66/13 i 100/13), člana 4. Pravilnika o postupku javnog konkursa za raspolaganje nekretninama u vlasništvu Federacije Bosne i Hercegovine, kantona, općina i gradova ("Službene novine Federacije Bosne i Hercegovine", broj: 17/14), člana 18. alineja 6. i 19. Statuta Općine Maglaj - prečišćen tekst ("Službene novine Općine Maglaj", br. 8/07, 3/08 i 6/08) i člana 37. Odluke o građevinskom zemljištu općine Maglaj („Službene novine Općine Maglaj“, br. 4/19 i 6/19), Općinsko vijeće Maglaj na 26. redovnoj sjednici, održanoj 26.04.2023. godine, donosi

ODLUKU

o prodaji nekretnina neposrednom pogodbom
Bašić (Ibrahim) Esadu iz Misurića, općina
Maglaj, radi oblikovanja građevinskih parcela

Član 1.

Formira se građevinska parcela za izgrađeni poslovni objekat autopraonica u vlasništvu Bašić (Ibrahim) Esada iz Misurića, općina Maglaj, na Grafičkom prikazu Plan parcelacije djelimične izmjene Regulacionog plana „Misurići“ („Službene novine Općine Maglaj“, broj: 05/22) označena brojem 406, koju čine sljedeće katastarske parcele:

- k.č. br. 498 "Gurlovača" ostalo neplodno zemljište površine 216 m², upisana u pl. br. 2344 k.o. Maglaj, posjednik Bašić (Ibrahim) Esad sa 1/1, po katastru zemljišta , a po zemljišnoj knjizi odnosi se na k.č. br. 498 "Gurlovača" ostalo neplodno zemljište površine 216 m², upisana u zk. ul. 837 k.o. Maglaj, pravo vlasništva Bašić (Ibrahim) Esad sa 1/1,
- k.č. br. 500/2 "Gurlovača" ostalo neplodno zemljište površine 85 m², upisana u pl. br. 287 k.o. Maglaj, posjednik Općina Maglaj sa 1/1, po katastru zemljišta, a po zemljišnoj knjizi odnosi se na k.č. br. 500/2 "Gurlovača" ostalo neplodno zemljište površine 85 m², upisana u zk. ul. 834 k.o. Maglaj, pravo vlasništva Općina Maglaj sa 1/1, i

- k.č. br. 2811/4 "Stari put" ostalo neplodno zemljište površine 88 m², upisana u pl. br. 287 k.o. Maglaj, posjednik Općina Maglaj sa 1/1, po katastru zemljišta, a po zemljišnoj knjizi odnosi se na k.č. br. 2811/4 "Stari put" ostalo neplodno zemljište površine 88 m², upisana u zk. ul. 4703 k.o. Maglaj, pravo vlasništva Općina Maglaj sa 1/1.

Član 2.

Formira se građevinska parcela za postojeći stambeno-poslovni objekat u vlasništvu Bašić (Ibrahim) Esada iz Misurića, općina Maglaj, koju čine sljedeće katastarske parcele:

- k.č. br. 501/1 "Bara" kuća i zgrada površine 137 m² i dvorište površine 163 m² upisana, u pl. br. 2344 k.o. Maglaj, posjednik Bašić (Ibrahim) Esad sa 1/1, po katastru zemljišta, a po zemljišnoj knjizi odnosi se na k.č. br. 501/1 "Bara" kuća i zgrada površine 137 m² i dvorište površine 163 m², upisana u zk. ul. 837 k.o. Maglaj, pravo vlasništva Bašić (Ibrahim) Esad sa 1/1,
- k.č. br. 501/2 "Bara" dvorište površine 6 m², upisana u pl. br. 2344 k.o. Maglaj, posjednik Bašić (Ibrahim) Esad sa 1/1, po katastru zemljišta, a po zemljišnoj knjizi odnosi se na k.č. br. 501/2 "Bara" dvorište površine 6 m², upisana u zk. ul. 21 k.o. Maglaj, društvena svojina pravo korištenja Bašić (Ibrahim) Esad sa 1/1,
- k.č. br. 504/1 "Bara" njiva 5. klase površine 241 m², upisana u pl. br. 2344 k.o. Maglaj, posjednik Bašić (Ibrahim) Esad sa 1/1 po katastru zemljišta, a po zemljišnoj knjizi odnosi se na k.č. br. 504/1 "Bara" njiva 5. klase površine 241 m², upisana u zk. ul. 837 k.o. Maglaj, pravo vlasništva Bašić (Ibrahim) Esad sa 1/1,
- k.č. br. 504/6 "Bara" njiva 5. klase površine 659 m², upisana u pl. br. 2344 k.o. Maglaj, posjednik Bašić (Ibrahim) Esad sa 1/1, po katastru zemljišta, a po zemljišnoj knjizi odnosi se na k.č. br. 501/1 "Bara" njiva 5. klase površine 659 m², upisana u zk. ul. 837 k.o. Maglaj, pravo vlasništva Bašić (Ibrahim) Esad sa 1/1, i
- k.č. br. 499/3 "Gurlovača" dvorište površine 15 m², upisana u pl. br. 287 k.o. Maglaj, posjednik Općina Maglaj sa 1/1, po katastru zemljišta, a po zemljišnoj knjizi odnosi se na k.č. br. 499/3 "Gurlovača" dvorište površine 15 m², upisana u zk. ul.

3328 k.o. Maglaj, pravo vlasništva Općina Maglaj sa 1/1.

Član 3.

Prodaju se neposrednom pogodbom Bašić (Ibrahim) Esadu iz Misurića, općina Maglaj, nekretnine - zemljište iz člana 1. alineja 2.i 3. ove Odluke označeno sa:

- k.č. br. 500/2 "Gurlovača" ostalo neplodno zemljište površine 85 m², upisana u pl. br. 287 k.o. Maglaj, posjednik Općina Maglaj sa 1/1, po katastru zemljišta, a po zemljišnoj knjizi odnosi se na k.č. br. 500/2 "Gurlovača" ostalo neplodno zemljište površine 85 m², upisana u zk. ul. 834 k.o. Maglaj, pravo vlasništva Općina Maglaj sa 1/1, i
- k.č. br. 2811/4 "Stari put" ostalo neplodno zemljište površine 88 m², upisana u pl. br. 287 k.o. Maglaj, posjednik Općina Maglaj sa 1/1, po katastru zemljišta, a po zemljišnoj knjizi odnosi se na k.č. br. 2811/4 "Stari put" ostalo neplodno zemljište površine 88 m², upisana u zk. ul. 4703 k.o. Maglaj, pravo vlasništva Općina Maglaj sa 1/1,

radi oblikovanja građevinske parcele iz člana 1. ove Odluke, i nekretnina - zemljište iz člana 2. alineja 5. ove Odluke označeno sa:

- k.č. br. 499/3 "Gurlovača" dvorište površine 15 m², upisana u pl. br. 287 k.o. Maglaj, posjednik Općina Maglaj sa 1/1, po katastru zemljišta, a po zemljišnoj knjizi odnosi se na k.č. br. 499/3 "Gurlovača" dvorište površine 15 m², upisana u zk. ul. 3328 k.o. Maglaj, pravo vlasništva Općina Maglaj sa 1/1, radi oblikovanja građevinske parcele iz člana 2. ove Odluke,

po cijeni od 30,00 KM/m², što ukupno iznosi 5.640,00 KM, uz obavezu isplate cjelokupnog iznosa kupoprodajne cijene u roku od 15 dana od dana zaključenja ugovora o kupoprodaji, na žiro-račun Budžeta Općine Maglaj broj: 199-046-00032516-34, vrstaprihoda 722 449, općina 060.

Predaju nekretnina iz stava 1. ovog člana u posjed kupcu izvršit će Služba za urbanizam, geodetske i imovinsko-pravne poslove Općine Maglaj, nakon isplate cjelokupnog iznosa kupoprodajne cijene i plaćenih troškova postupka.

Troškove notarske obrade ugovora o kupoprodaji, takse za uknjižbu i sve ostale troškove koji se odnose na kupoprodaju nekretnina iz stava 1. ovog člana, snosi kupac.

Član 4.

Ovlašćuje se Općinski načelnik Maglaj Mirsad Mahmutagić, da u ime Općine Maglaj, kao prodavcem, na osnovu ove Odluke i pribavljenog mišljenja Općinskog pravobranioca Općine Maglaj, sa Bašić (Ibrahim) Esadom iz Misurića, općina Maglaj, kao kupcem, zaključi ugovor o kupoprodaji nekretnina iz člana 3. ove Odluke, a prema uvjetima iz člana 3. ove Odluke.

Član 5.

Obavezuje se Bašić (Ibrahim) Esad da u roku od 8 /osam/ dana od dana donošenja ove Odluke, uplati troškove postupka – naknadu za vršenje usluga u iznosu od 310,00 KM, na žiro-račun Budžeta Općine Maglaj broj 199-046-00032516-34, naknada za vršenje usluga, vrsta prihoda 722 516, općina 060, a dokaz o izvršenoj uplati dužan je dostaviti Službi za urbanizam, geodetske i imovinsko-pravne poslove Općine Maglaj.

Član 6.

Za sprovođenje ove Odluke zadužuju se Općinski načelnik Maglaj, Služba za urbanizam, geodetske i imovinsko-pravne poslove i Služba općinskog načelnika i Općinskog vijeća.

Član 7.

Ova Odlukastupanasnagu narednog dana od dana objavljivanja u "Službenim novinama Općine Maglaj".

Broj:02-04-1-724/23
Maglaj,26.04.2023. godine

PREDSJEDAVALA
Svjatlana Zamboni s.r.

408.

Na osnovu člana 42, 45, 46, 47, i 48. Zakona o prostornom uređenju i građenju Zeničko – dobojskog kantona („Službene novine Zeničko-dobojskog kantona", br: 01/14 i 4/16), člana 18. Statuta Općine Maglaj - prečišćen tekst („Službene novine Općine Maglaj“, br. 8/07, 3/08 i 6/08) i Odluke o pristupanju djelimičnoj izmjeni Regulacionog plana „BIJELA PLOČA“, broj: 02-04-1-1726/22 od 08.09.2022. godine, Općinsko vijeće Maglaj, na 26. redovnoj sjednici, održanoj 26.04.2023. godine, donosi

ODLUKU

**o usvajanju Nacrta djelimične izmjene
Regulacionog plana „BIJELA PLOČA“**

Član 1.**(Vrsta dokumenta)**

Ovom Odlukom usvaja se Nacrt djelimične izmjene Regulacionog plana „BIJELA PLOČA" („Službeni glasnik Opštine Maglaj“, broj: 07/90)
Zahtjev: ČATIĆ HUSEIN Maglaj

Član 2.**(Granice područja za koje se dokument mijenja)**

Izmjena Regulacionog plana obuhvata zemljište koje je u posjedu i vlasništvu Čatić (Salih) Huseina, označeno sa k.č.broj: 105/1 površine 1634 m2 i k.č. broj:105/12 površine 400 m2 upisane u pl. broj: 2638 k.o. Maglaj, koje se nalazi u naselju Bijela Ploča i veže za ulicu Jablanička odnosno lokalni put od Bijele Ploče prema Jablanici.

Izmjenom Regulacionog plana „Bijela Ploča“ bi se u odnosu na planirno stanje po Regulacionom planu „Bijela Ploča“ („Službeni glasnik Općine Maglaj“, broj:7/90) i opredjeljenu namjenu prostora za izgradnju škole izvršile izmjene namjene ovog prostora, te postojeće stanje izgrađenost, tako što bi se opredjeljeni prostor u širem obuhvatu za izgradnju škole mijenjao te na istom opredjelila izgradnja individualnih stambenih objekata.

U okviru vlasničkog zemljišta označenog sa k.č. br. 105/1 i 105/12 opredjelile bi se tri građevinske parcele za izgradnju individualnih stambenih objekata, a na ostalom prostoru bi se prema uslovima na terenu i ostalom zemljištu predvidjela izgradnja drugih sadržaja.

Prilaz do predviđenih građevinskih parcela u okviru vlasničkog zemljišta Čatić Huseina, k.č. br. 105/1 i 105/12 bi bio sa postojećeg lokalnog puta – Jablanička ulica.

Član 3.

Nacrt djelimične Izmjene Regulacionog plana sastoji se od Tekstualnog i Grafičkog dijela.

TEKSTUALNI DIO:

Izvod iz urbanističke osnove
Projekcija izgradnje i uređenja prostora
Smjernice za provođenje izmjene Regulacionog plana

GRAFIČKI DIO: Tematske karte

1. Izvod iz važećeg Regulacionog plana „BIJELA PLOČA“ sa granicom obuhvata
2. Izvod iz plana parcelacije važećeg Regulacionog plana „BIJELA PLOČA“
3. Plan namjene i razmještaja objekata
4. Plan parcelacije sa numeracijom
5. Plan regulacionih i građevinskih linija
6. Plan saobraćaja i komunalne infrastrukture

Član 4.

O Nacrtu djelimične izmjene Regulacionog plana „BIJELA PLOČA“ određuje se javni uvid u trajanju od 15 dana usvajanja na Općinskom vijeću Maglaj.

Član 5.

Javna rasprava na Nacrt dokumenta će se održati u roku od 15 dana po isteku roka za javni uvid u prostorijama Mjesne zajednica Bijela Ploča.

Član 6.

Nacrt Izmjene Regulacionog plana se izlaže na oglasnoj ploči općine Maglaj i prostorijama općine Maglaj, Službi za urbanizam, geodetske i imovinsko pravne poslove, web stranici Općine Maglaj i prostorijama Mjesne zajednice Bijela Ploča što će biti navedeno u obavještenju koje će biti objavljeno u sredstvima javnog informisanja i oglasnoj ploči Općine Maglaj.

Član 7.

Nakon javnog uvida organizovat će se javna rasprava u prostorijama Mjesne zajednice Bijela Ploča u prisustvu Nosioca izrade „Tehno biro“ d.o.o. Tuzla, Nosioca pripreme, Općina Maglaj, podnosioca zahtjeva i drugih zainteresiranih građana.

Član 8.

Na osnovu rezultata javnog uvida i javne rasprave Nosioc izrade i Nosioc pripreme Izmjene Regulacionog plana „BIJELA PLOČA“ pripremit će Prijedlog plana i dostaviti Općinskom vijeću Maglaj na usvajanje.

Član 9.

Ova Odluka stupa na snagu osmog dana od dana objavljivanja u „Službenim novinama Općine Maglaj“.

Broj:02-04-1-729/23

Maglaj,26.04.2023. godine

PREDSJEDAVAJUĆA
Svjetlana Zamboni s.r.

409.

Na osnovu člana 42, 45, 46, 47,48 i 50 Zakona o prostornom uređenju i građenju Zeničko – dobojskog kantona („Službene novine Zeničko-dobojskog kantona" br. 01/14 i 4/16), člana 18. Statuta Općine Maglaj-prečišćen tekst („Službene novine Općine Maglaj“, br. 8/07, 3/08 i 6/08) i Odluke o pristupanju djelimičnoj izmjeni Regulacionog plana „Centar Maglaj – sjeverni dio“,

broj: 02-04-1-2171/22 od 23.11.2022. godine, Općinsko vijeće Maglaj, na 26. redovnoj sjednici, održanoj 26.04.2023. godine, donosi

ODLUKU**o usvajanju djelimične Izmjene Regulacionog plana “Centar Maglaj –sjeverni dio”****Član 1.**

Ovom Odlukom usvaja se djelimična izmjena Regulacionog plana “Centar Maglaj – sjeverni dio“ („Službene novine Općine Maglaj“, br. 08/05 i 6/11). Zahtjev STENAKLIĆ HANA Maglaj

Član 2.

Djelimična izmjena Regulacionog plana obuhvata zemljište označeno sa k.č. br. 1045/5 „POLJE“ Kuća i zgrada površine 90 m2 i dvorište površine 318 m2 i zemljište k.č. br. 1045/11 „POLJE“ oranica 1 klase površine 181 m2, upisane u pl. broj: 2815 k.o. Maglaj, posjednik Stenaklić Hana sa dijelom 1/1, koje se nalazi u sjevernom dijelu grada lokacija u Bosanskoj ulici, tj. u ulici koja veže Bosansku ulicu sa objektom „Konzum“.

Izmjenom Regulacionog plana, bi se u odnosu na opredjeljenu namjenu po Regulacionom planu izvršile izmjene namjene i razmještaja objekata, plana parcelacije, građevinskih i regulacionih linija i na slobodnom prostoru, zemljištu k.č.br. 1045/11 i dijelu zemljišta k.č. br.1045/5, opredjelila izgradnja poslovno stambenog objekta okvirnih dimenzija 7,50 x 11,00 metara.

Za planirani objekat određuje se nova građevinska parcela.

Građevinska linija određuje se na udaljenosti od 5,0 metara od regulacione linije.

Za postojeći objekat izgrađen na zemljištu k.č. broj: 1045/5 vlasništvo Stenaklić Hane, koji je planskom dokumentacijom zadržan sa statusom stalnog objekta, određuje se prilazni put preko zemljišta k.č.br.1045/11 i dijela k.č.br. 1045/5 u širini od 3,5 metara, sa saobraćajnice planirane od Konzuma do ulice Bosanska.

Član 3.

Izmjena Regulacionog plana sastoji se od Tekstualnog i Grafičkog dijela.

TEKSTUALNI DIO:

- Urbanistička osnova
- Urbanistički koncept izgradnje i uređenja prostora
- Smjernice za provođenje djelimične izmjene Regulacionog plana Centar Maglaj –sjeverni dio“

GRAFIČKI DIO: Tematske karte

1. Izvod iz važećeg Regucionog plana sa granicom obuhvata izmjene
2. Postojeće stanje prostornog uređenja
3. Postojeća parcelacija
4. Postojeće stanje infrastrukture
5. Plan parcelacije
6. Plan namjene i razmještaja objekata
7. Plan regulacionih i građevinskih linija
8. Plan Infrastrukture

Član 4.

Odluka stupa na snagu osmog dana od dana objavljivanja u „Službenim novinama Općine Maglaj“.

Broj:02-04-1-726/23
Maglaj,26.04.2023. godine

PREDSJEDAVALA
Svjatlana Zamboni s.r.

410.

Na osnovu člana 2.12. stav (5) Izbornog zakona BiH („Službeni glasnik BiH“, br.23/01, 7/02, 9/02, 20/02, 25/02, 52/05, 65/05, 77/05, 11/06, 24/06, 32/07, 33/08, 37/08,32/10,18/13,7/14,31/16,54/17, 41/20, 38/22, 51/22 i 67/22), člana 7. Uputstva o utvrđivanju kvalifikacija,broju,imenovanju,obuci i razrješenju članova izborne komisije osnovne izborne jedinice u Bosni i Hercegovini („Službeni glasnik BiH“, br.67/21, 73/21, 1/22-prečišćen tekst i 13/22) i člana 18. Statuta Općine Maglaj– prečišćen tekst („Službene novine Općine Maglaj“, br. 8/07, 3/08 i 6/08),Općinsko vijeće Maglaj na 26. redovnojsjednici, održanoj 26.04.2023. godine, donosi

ODLUKU**o objavljivanju Javnog oglasa za imenovanje jednog člana Općinske izborne komisije Maglaj****Član 1.**

Ovom Odlukom regulišu se uslovi i postupak za imenovanje jednog člana Općinske izborne komisije Maglaj (u daljem tekstu: Općinska izborna komisija).

Član 2.

Sastav izborne komisije je multietničan, tako da odražava zastupljenost konstitutivnih naroda, uključujući i ostale, u izornoj jedinici za koju se organ nadležan za provođenje izbora osniva, vodeći računa o posljednjem popisu stanovništva provedenom na državnom nivou.

U sastavu izborne komisije nastojat će se osigurati zastupljenost polova u skladu sa Zakonom o ravnopravnosti polova u Bosni i Hercegovini, kako je propisano odredbom člana 2.14. stav (1) Izbornog zakona BiH.

Član 3.

Nadležnost Općinske izborne komisije utvrđena je odredbama člana 2.13 Izbornog zakona BiH i odgovarajućim podzakonskim propisima.

Član 4.

- (1) Opći uslovi koje kandidat mora ispunjavati:
 - a) da je lice sa pravom glasa
 - b) da je lice sa odgovarajućom stručnom spremom i iskustvom u provođenju izbora.
- (2) Posebni uslovi koje kandidat mora ispunjavati:
 - a) da ima prebivalište na području općine Maglaj,
 - b) da ima završen fakultet, VII/1 stepen stručne spreme ili završen fakultet Bolonjskog sistema studiranja sa najmanje 180 ECTS bodova i
 - c) da posjeduje iskustvo u provođenju izbora.
- (3) Pod iskustvom u provođenju izbora podrazumijeva se:
 - a) članstvo u izornoj komisiji i
 - b) članstvo u biračkom odboru na izborima obuhvaćenim Izbornim zakonom BiH.

Izuzetno od odredbe iz stava (2) tačka b) Posebnih uslova Javnog oglasa, član izborne komisije može biti lice koje ima završenu višu školu, odnosno VI stepen stručne spreme, ukoliko se radi o ponovnom izboru (reimenovanju) člana izborne komisije, odnosno ako je potrebno ispoštovati odredbe člana 2.14 Izbornog zakona BiH.

Član 5.

Za člana Općinske izborne komisije ne može biti imenovano lice obuhvaćeno članom 2.3 Izbornog zakona BiH, niti lice koje obavlja izvršnu funkciju, kako je utvrđeno odredbom člana 1.8 stav(6) Izbornog zakona BiH, niti lice koje je aktuelni kandidat ili je bio kandidat za bilo koji nivo vlasti na posljednjim općim i/ili posljednjim lokalnim izborima.

Član Općinske izborne komisije može biti predsjednik ili sudija redovnog suda, sekretar općinskog vijeća, odnosno skupštine općine i skupštine grada, odnosno gradskog vijeća, lica profesionalno zaposlena u općinskim organima uprave i drugalica, ako i spunjavaju uslove određene članom 2.2 Izbornog zakona BiH, a nemaju smetnji iz člana 2.3 Izbornog zakona BiH.

Član 6.

Člana Općinske izborne komisije imenuje Općinsko vijeće Maglaj, uz saglasnost Centralne izborne komisije BiH.

Član Općinske izborne komisije ne zasniva radni odnos nego se imenuju na mandat u trajanju od sedam godina koji teče od dana davanja saglasnosti Centralne izborne komisije BiH na odluku Općinskog vijeća Maglaj o imenovanju članova Općinske izborne komisije.

Članovi Općinske izborne komisije su obavezni stalno se obrazovati tokom obavljanja mandata, u skladu sa Planom i programom edukacije koji donosi Centralna izborna komisija BiH.

Član 7.

Prijava na javni oglas sadrži: prijavni obrazac sa kontakt podacima podnosioca prijave, listu dostavljenih dokumenata i svojeručni potpis podnosioca prijave, te dokumente koji dokazuju ispunjavanje uslova iz javnog oglasa i to:

1. dokaz o stručnoj spremi kandidata - ovjerenu kopiju diplome o stručnoj spremi (nostrifikovanu-priznatu diplomu ukoliko fakultet nije završen u Bosni i Hercegovini, uključujući i diplome stečene nakon 06.04.1992. godine, u nekoj od država nastalih raspadom SFRJ, a u skladu sa propisima nadležnog organa koji vrši nostrifikaciju-priznavanje inostranih diploma),
2. dokaz o potrebnom iskustvu u provođenju izbora (dokaz mora sadržavati podatke o nazivu izborne komisije i mandatnom periodu, odnosno vrsti i godini izbora i nazivu biračkog mjesta u kojem je kandidat bio član biračkog odbora, te podatak da je kandidat bio angažovan u radu biračkog odbora i obavljao ovu dužnost),
3. uvjerenje o prebivalištu-obrazac PBA-3 o prebivalištu (ne stariji od tri mjeseca, od dana izdavanja od strane nadležnog organa),
4. svojeručno potpisano i od nadležnog organa ovjerenu izjavu o nacionalnom izjašnjenju sa posljednjeg popisa stanovništva u Bosni i Hercegovini,
5. svojeručno potpisano i od nadležnog organa ovjerenu izjavu da nije obuhvaćen odredbama člana 2.3. Izbornog zakona BiH (Izjava je dostupna na internet stranici Centralne izborne komisije BiH i čini Prilog 5 Uputstva

o utvrđivanju kvalifikacija, broju, imenovanju, obuci i razrješenju članova izborne komisije osnovne izborne jedinice u Bosni i Hercegovini („Službeni glasnik BiH“, br. 1/22 i 13/22).

Pored naprijed navedenih dokumenata kandidati mogu priložiti i dokaz o naučnom zvanju i/ili položenom pravosudnom ispitu i/ili nosiocu pravosudne funkcije i/ili prisustvu obukama u organizaciji Centralne izborne komisije BiH, ukoliko ih posjeduju i na osnovu kojih mogu biti dodatno bodovani, u skladu sa članom 10. stav (7) Uputstva o utvrđivanju kvalifikacija, broju, imenovanju, obuci i razrješenju članova izborne komisije osnovne izborne jedinice u Bosni i Hercegovini.

Član 8.

Postupak izbora kandidata provodi Komisija za provođenje postupka po Javnom oglasu za imenovanje jednog člana Općinske izborne komisije Maglaj, imenovana rješenjem Općinskog vijeća Maglaj.

Komisija provodi proceduru imenovanja članova Općinske izborne komisije, u skladu sa odredbama člana Uputstva o utvrđivanju kvalifikacija, broju, imenovanju, obuci i razrješenju članova izborne komisije osnovne izborne jedinice u Bosni i Hercegovini.

Član 9.

Rok za podnošenje prijave je osam dana od dana objavljivanja javnog oglasa u dnevnom listu „Oslobođenje“.

Javni oglas će se objaviti i na internet stranici (www.maglaj.ba) i oglasnoj tabli Općine Maglaj, ali se ta objava neće računati u rokove za prijavljivanje kandidata.

Nepotpune i neblagovremene prijave neće se razmatrati.

Prijave se mogu dostaviti putem pisarnice Općine Maglaj ili putem pošte na adresu: Općinsko vijeće Maglaj, Viteška 4, 74250 Maglaj sa naznakom: „Komisija za provođenje postupka po Javnom oglasu za imenovanje jednog člana Općinske izborne komisije Maglaj“ – NE OTVARATI.

Član 10.

Nakon stupanja na snagu ove Odluke biće objavljen Javni oglas za imenovanje jednog člana Općinske izborne komisije Maglaj.

Član 11.

Ova Odluka stupa na snagu danom donošenja, a biće objavljena u „Službenim novinama Općine Maglaj“.

Broj: 02-04-1-730/23

Maglaj, 26.04.2023. godine

PREDSJEDAVALA
Svjetlana Zamboni s.r.

411.

Na osnovu člana 2.12. stav (5) Izbornog zakona BiH („Službeni glasnik BiH“, br.23/01, 7/02, 9/02, 0/02, 25/02, 52/05, 65/05, 77/05, 11/06, 24/06, 32/07, 33/08, 37/08,32/10,18/13,7/14,31/16,54/17, 41/20, 38/22, 51/22 i 67/22), člana 7. Uputstva o utvrđivanju kvalifikacija, broju, imenovanju, obuci i razrješenju članova izborne komisije osnovne izborne jedinice u Bosni i Hercegovini („Službeni glasnik BiH“, br. 67/21, 73/21, 1/22-prečišćen tekst i 13/22) i člana 18. Statuta Općine Maglaj – prečišćen tekst („Službene novine Općine Maglaj“, br. 8/07, 3/08 i 6/08), Općinsko vijeće Maglaj na 26. redovnoj sjednici, održanoj 26.04.2023. godine, donosi

ODLUKU**o imenovanju Komisije za provođenje postupka po Javnom oglasu za imenovanje jednog člana Općinske izborne komisije Maglaj****Član 1.**

Za provođenje postupka po Javnom oglasu za imenovanje jednog člana Općinske izborne komisije Maglaj (u daljem tekstu: Komisija) imenuje se Komisija u sastavu:

1. Jasminka Saračević, predsjednica
2. Irma Mahmić, članica
3. Daina Bešić, članica

Član 2.

Zadaci Komisije iz člana 1. ove Odluke su:

- Po zatvaranju javnog oglasa Komisija vrši pregled i klasifikaciju prijave kandidata na one koje ispunjavaju uslove tražene Javnim oglasom i na one koji ne ispunjavaju uslove, o čemu sačinjava zapisnik (Prilog 1 Uputstva – Tabela 1 i Tabela 2).
- Komisija obavještava pisanim putem sve prijavljene kandidate o rezultatima izvršene klasifikacije.
- Komisija dostavlja pisani poziv kandidatima koji ispunjavaju uslove propisane javnim konkursom koji obavezno sadrži datum i termin zakazanog intervjua.

- Komisija provodi intervju i vodi detaljan zapisnik o intervjuu koji, između ostalog, obavezno sadrži postavljena pitanja i odgovore kandidata, bodovanje i utvrđivanje rang-liste kandidata (Prilog 2 Uputstva – Tabela 1 i Tabela 2 i Prilog 3 Uputstva – Tabela 1 i Tabela 2).

Komisija sačinjava rang-listu sa redoslijedom kandidata prema uspjehu (ukupnom broju bodova) (Prilog 3 Uputstva-Tabela 2).

Komisija podnosi pisani izvještaj Općinskom vijeću Maglaj o provedenom postupku kvalifikacije kandidata i prijedlog rang-liste.

Član 3.

Ova Odluka stupa na snagu danom donošenja i biće objavljena u „Službenim novinama Općine Maglaj“.

Broj:02-04-1-731/23

Maglaj, 26.04.2023. godine

PREDSJEDAVALA
Svjetlana Zamboni s.r.

**AKTI SLUŽBE ZA PRIVREDU,
FINANCIJE/FINANSIJE I RAZVOJ
PODUZETNIŠTVA**

412.

Na osnovu člana 3. Zakona o budžetima u Federaciji Bosne i Hercegovine („Službene novine Federacije Bosne i Hercegovine“, br. 102/13, 9/14, 13/14, 8/15, 91/15, 102/15, 104/16, 5/18, 11/19, 99/19 i 25a/22) i člana 3. i 5. stav (2) Pravilnika o utvrđivanju i načinu vođenja registra budžetskih korisnika Budžeta u Federaciji Bosne i Hercegovine („Službene novine Federacije Bosne i Hercegovine“, broj: 30/14), Služba za privredu, finansije/finansije i razvoj poduzetništva Općine Maglaj donosi

ODLUKU

**o uspostavljanju Registra budžetkih korisnika
Općine Maglaj za 2023. godinu**

Član 1.

Uspostavlja se Registar budžetskih korisnika Općine Maglaj za 2023. godinu kako slijedi:

Redni broj	RBK broj	Naziv	Adresa	ID broj
1.	0010	Općinsko vijeće	Viteška ulica broj 4.	4218294800000
2.	0011	Jedinstven i općinski organ - Općinski načelnik Maglaj	Viteška ulica broj 4.	4218294800000
3.	0012	Općinsko pravobranilaštvo	Viteška ulica broj 4.	4218294800000

Član 2.

Odluka stupa na snagu danom donošenja i ima se objaviti u „Službenim novinama Općine Maglaj“.

Broj: 04-11-1-671/23
Maglaj, 18.04.2023. godine

POMOĆNIK OPĆINSKOG NAČELNIKA
Dženana Hadžiedhemović Grahić, s.r.

SADRŽAJ**AKTI OPĆINSKOG NAČELNIKA**

405.	ODLUKA o javnim priznanjima Općine Maglaj	114
406.	ODLUKA o pristupanju djelimičnoj izmjeni Regulacionog plana "Centar Maglaj – sjeverni dio"	118
407.	ODLUKA o prodaji nekretnina neposrednom pogodbom Bašić (Ibrahim) Esadu iz Misurića, općina Maglaj, radi oblikovanja građevinskih parcela	120
408.	ODLUKA o usvajanju Nacrta djelimične izmjene Regulacionog plana „BIJELA PLOČA“	121
409.	ODLUKA o usvajanju djelimične Izmjene Regulacionog plana "Centar Maglaj –sjeverni dio"	122
410.	ODLUKA o objavljivanju Javnog oglasa za imenovanje jednog člana Općinske izborne komisije Maglaj	123
411.	ODLUKA o imenovanju Komisije za provođenje postupka po Javnom oglasu za imenovanje jednog člana Općinske izborne komisije Maglaj	125

AKTI SLUŽBE ZA PRIVREDU, FINACIJE/FINANSIJE I RAZVOJ PODUZETNIŠTVA

412.	ODLUKA o uspostavljanju Registra budžetkih korisnika Općine Maglaj za 2023. godinu	126
------	---	-----